

ফেব্রুয়ারি ২০১৩

প্রিয় পিতামাতা,

আমি যখন আমাদের স্কুলগুলো পরিদর্শন করি, সবসময়ই শিক্ষার্থীদের সাথে মিলিত হওয়া এবং কথা বলা আমি দারুণ উপভোগ করি। এই স্কুল বছরে, আমি দেখছি তারা আরও কঠিন বই পড়ছে এবং রাইটিংয়ে আরও সময় দিচ্ছে। তারা যখন তাদের মতামত শেয়ার করে, শিক্ষকগণ তখন তাদেরকে তাদের যুক্তিসমূহের জন্য প্রমাণ দিয়ে তা শক্তিশালী করতে পরামর্শ দেয়। গণিতের ক্লাসে, শিক্ষার্থীরা বাস্তব-বিশ্বের সমস্যা সমাধান করছে।

এই পরিবর্তনগুলো নতুন কমন কোর মানের অংশ যা আমাদের প্রি-কিন্ডারগার্টেন থেকে ১২ গ্রেডের শিক্ষার্থীদের জানা গুরুত্বপূর্ণ এবং তারা হাই স্কুল থেকে গ্রাজুয়েট হয়ে কলেজ এবং পেশাজীবনের জন্য প্রস্তুত থাকবে বলে এই প্রক্রিয়ায় বর্ণিত আছে। এই মান অর্জন তাদের জন্য চ্যালেঞ্জিং এবং তা উদ্দেশ্যমূলক। একুশ শতকে ভালো চাকরির যোগ্যতা অর্জনে, আমাদের শিক্ষার্থীদের শক্তিশালী রাইটিং, বিশ্লেষণমূলক-চিন্তা, সমস্যা-সমাধান, এবং সৃজনশীল দক্ষতা আয়ত্ত্ব করা বা গড়ে তোলা জরুরি। বাড়িতে সহায়তা প্রাপ্ত হয়ে, কমন কোর মান আমাদের জন্য সে লক্ষ্য অর্জনে সহায়ক হবে।


এই বসন্তে, প্রথমবারের মতো, ৩-৮ গ্রেডের শিক্ষার্থীরা এই উচ্চমানের ভিত্তিতে স্টেট রিডিং এবং ম্যাথ পরীক্ষা দেবে। হাই স্কুল শিক্ষার্থীদের পরীক্ষার ধরন পরবর্তী স্কুল বছর থেকে পরিবর্তিত হতে শুরু করবে। আমরা মনে করছি এই পরীক্ষাগুলোতে পাশ করা প্রথমদিকে কঠিন হবে। কিন্তু এই পরিবর্তন গুরুত্বপূর্ণ। এর ফলে ভবিষ্যতে শিক্ষার্থীদের জন্য আমাদের স্কুলগুলো বিভিন্ন বিকল্প ব্যবস্থা রাখতে সক্ষম হবে। শিক্ষার্থী, শিক্ষক, এবং পিতামাতাদের জানা উচিত কলেজ এবং ভালো চাকরির প্রস্তুতিতে গ্রাজুয়েশনের পথে তাদের অবস্থান কী। সময় দিয়ে এবং কঠোর পরিশ্রম করে, আমাদের শিক্ষার্থীরা এই চ্যালেঞ্জ গ্রহণ করতে পারবে বলেই আমার বিশ্বাস।

আপনি ভাবতে পারেন এই পরিবর্তন শিক্ষার্থীদের পরবর্তী ক্লাসে প্রমোশন পাবার পথকে এবং বাছাইয়ের মাধ্যমে যেসব স্কুলে ভর্তি হতে হয় - তার উপর প্রভাব ফেলবে কিনা। যদিও এই বছরে স্টেট নতুন পরীক্ষা পদ্ধতি চালু করতে যাচ্ছে, নিউ ইয়র্ক সিটি ক্রমান্বয়ে কমন কোরের সাথে প্রমোশনের মান সমন্বিত করবে। গত কয়েক বছর যাবত, সামার স্কুল সম্পর্কিত সিদ্ধান্ত গৃহীত হয়েছে স্টেট পরীক্ষায় প্রত্যেক শিক্ষার্থীর কার্যসম্পাদনার স্তর যেমন: 1, 2, 3, অথবা 4 পাবার ভিত্তিতে। যেহেতু এই বছর পরীক্ষাগুলো নতুন, আমরা অনুমান করতে পারছি না কীভাবে স্টেট কার্যসম্পাদনার স্তর নির্ধারণ করবে। তার পরিবর্তে, আমরা শিক্ষার্থীর সামগ্রিক স্কোর দেখবো - প্রত্যেক শিক্ষার্থী কয়টি প্রশ্নের সঠিক উত্তর দিয়েছে সেটা দেখবো। যেসকল শিক্ষার্থীর স্কোর সর্বনিম্ন তাদেরকে সামার স্কুলের জন্য সুপারিশ করা হবে। কিছু প্রতিবন্ধী এবং ইংরেজি ভাষা শিক্ষার্থীর জন্য তাদের বিশেষ চাহিদার কথা বিবেচনায় রেখে প্রমোশনের মান ভিন্ন। আমাদের প্রত্যাশা সামার স্কুলের শিক্ষার্থী সংখ্যা গত বছরের মতো এবারও একই হবে। যেসকল শিক্ষার্থীর সর্বোচ্চ সহায়তা প্রয়োজন তারা সেই সর্বোচ্চ সহায়তাই লাভ করবে। একইভাবে, সেসব শিক্ষার্থীর স্কোর সর্বোচ্চ - যদিও তা গত বছরগুলোর তুলনায় কম - তারা বাছাইয়ের মাধ্যমে মিডল্ এবং হাই স্কুলে ভর্তির সুযোগ পাবে।

পরবর্তী কয়েক মাস, আমি আপনাকে আপনার সন্তানের সাথে নতুন পরীক্ষা নিয়ে আলোচনা করতে উতসাহিত করছি। তাকে নিশ্চয়তা দিন যে, গত বছরগুলো থেকে এবছর তার স্কোর ভিন্ন হলেও - তা থেকে এটা বোঝায় না যে, সে শিখছে না বা পর্যাপ্ত কঠোর পরিশ্রম করছে না। এই নতুন মান আমাদের শিক্ষার্থী এবং শিক্ষক- উভয়ের জন্য একটি বিরাট পরিবর্তন, এবং এই উত্তরণের সময় শিক্ষকগণ তাদের শিক্ষার্থীদের সহায়তায় কঠিন পরিশ্রম করছেন। এই প্রক্রিয়ার সাথে পূর্ণভাবে সমতা আনতে সময় লাগবে। কিন্তু আমি আমাদের শিক্ষার্থী এবং শিক্ষকদের উপর আস্থা রাখি, এবং আমি জানি আমরা সফল হবো।

এই পরিবর্তনসমূহ সম্পর্কে আরও জানতে যেসকল সহায়-সংস্থান রয়েছে তা অনলাইনে পাওয়া যাবে। nyc.gov ওয়েবসাইট দেখুন এবং “কমন কোর প্যারেন্ট রিসোর্স।” খুঁজে নিন। এই বসন্তে এইসব নতুন অ্যাসাইনমেন্ট এবং পরীক্ষা নিয়ে শিক্ষক এবং প্রিন্সিপ্যালগণকেও তাদের স্কুল কমিউনিটির সাথে আলোচনার জন্য অনুরোধ জানাচ্ছি। এ বিষয় সম্পর্কে আরও জানতে আমি আপনাকে আগামী প্যারেন্ট-টিচার কনফারেন্সে যোগ দিতে উতসাহিত করছি। সন্তানের শিক্ষায় আপনার প্রতিশ্রুতির জন্য ধন্যবাদ।

আপনার বিশ্বস্ত,



ডেনিস এম. ওয়ালকট